

Fundargerð 960. fundar

stjórnar Sambands íslenskra sveitarfélaga

Árið 2024, föstudaginn 13. desember kl. 12:00 kom stjórn Sambands íslenskra sveitarfélaga saman til fundar á Berjaya Reykjavík Marina Hotel.

Fundinn sátu: Heiða Björg Hilmisdóttir, Einar Brandsson, Einar Þorsteinsson, Freyr Antonsson, Guðmundur Ari Sigurjónsson, Hildur Björnsdóttir, Helgi Kjartansson, Nanný Arna Guðmundsdóttir, Rósa Guðbjartsdóttir, Walter Fannar Kristjánsson og Sunna Hlín Jóhannesdóttir.

Jón Björn Hákonarson boðaði forföll, varamaður hans Sunna Hlín Jóhannesdóttir mætti í hans stað. Margrét Ólöf A. Sanders boðaði forföll, varamaður hennar Helgi Kjartansson mætti í hennar stað.

Að auki sátu fundinn Arnar Þór Sævarsson, Inga Rún Ólafsdóttir, Valgerður Rún Benediktsdóttir, Grétar Sveinn Theodórsson, Helga María Pálsdóttir, Þórdís Sveinsdóttir og Valur Rafn Halldórsson, sem ritaði fundargerð.

Fundargerðin var færð í tölvu.

Þetta var tekið fyrir:

1. Fundargerðir 955., 956., 957., 958. og 959. fundar - 2309033SA

Lagðar fram til kynningar fundargerðir 955., 956, 957., 958. og 959. fundar stjórnar Sambandsins frá 15., 20., 22. og 24. og 29. nóvember 2024, sem undirritaðar hafa verið með rafrænum hætti.

2. Verkefnisstjórn fyrir hagsmunagæslu í úrgangsmálum - 2210013SA

Lögð fram fundargerð 100. fundar verkefnisstjórnar fyrir hagsmunagæslu í úrgangsmálum frá 4. nóvember 2024.

3. Stafrænt ráð sveitarfélaga - 2009664SA

Lögð fram fundargerð 32. fundar stafræns ráðs sveitarfélaga frá 20. nóvember 2024.

4. Fræðslumálanefnd Sambandsins - 2210009SA

Lagðar fram fundargerðir 156. og 157. fundar fræðslumálanefndar Sambandsins frá 12. september og 30. október 2024.

5. Kjaramálanefnd Sambandsins - 2210010SA

Lögð fram sem trúnaðarskjal fundargerð 47. fundar kjaramálanefndar Sambandsins frá 19. nóvember 2024.

6. Afmæli Sambandsins - 2401027SA

Rætt um afmæli Sambandsins á næsta ári.

Samþykkt að tilnefna Heiðu, Halldór Halldórsson og Aldísi Hafsteinsdóttur í stýrihóp um 80 ára afmæli Sambandsins.

7. Staða kjaramála - 2406015SA

Formaður samninganefndar sveitarfélaga gerði grein fyrir stöðu kjaramála í desember 2024. Fram kom í máli hennar að samtalið við KÍ hafi gengið vel seinustu vikur og að góður gangur sé í viðræðunum.

Stjórn fagnar því að samtal við KÍ hafi gengið vel undanfarið og að góður gangur sé í viðræðunum. Mikilvægt að er að nýta vel þann tíma sem er framundan til að ná sátt.

8. Kjarasamningar - 2406015SA

Lögð fram samkomulög milli samninganefndar Sambands íslenskra sveitarfélaga, og Verkalýðsfélagsins Hlífar, Samiðnar vegna Strætó, Félagsráðgjafafélags Íslands, Félags íslenskra hjúkrunarfræðinga, Proskapjálfafélags Íslands, Iðjupjálfafélags Íslands og Sálfræðingafélags Íslands, dags. 21. og 26., 28. og 29. nóvember og 4. desember 2024, um breytingar og framlengingu á kjarasamningi aðila.

Stjórn Sambands íslenskra sveitarfélaga staðfestir samhljóða fyrirliggjandi kjarasamninga við Verkalýðsfélagið Hlíf, Samiðn vegna Strætó, Félagsráðgjafafélag Íslands, Félags íslenskra hjúkrunarfræðinga, Proskapjálfafélags Íslands, Iðjupjálfafélags Íslands og Sálfræðingafélags Íslands.

9. Fjárhagsáætlun Sambands íslenskra sveitarfélaga 2025 - 2411024SA

Lögð fram tillaga að fjárhagsáætlun Sambands íslenskra sveitarfélaga fyrir árið 2025, ásamt greinargerð. Sviðsstjóri þjónustusviðs Sambandsins gerði grein fyrir áætluninni.

Stjórn Sambandsins samþykkir tillögu að fjárhagsáætlun Sambands íslenskra sveitarfélaga fyrir árið 2025. Breytingar á fjárhagsáætlun yfir árið verða lagðar fyrir stjórn.

10. Tillaga að fulltrúum í mennta- og velferðarnefnd Sambandsins og erindisbréf - 2412009SA

Á yfirstandandi kjörtímabili hefur Samband íslenskra sveitarfélaga farið í allsherjar endurskoðun og endurskipulagningu á innra starfi og starfsemi með það að augnamiði að skerpa framtíðarsýn, frumkvæði, hagsmunagæslu og samstarf innan sveitarstjórnarstigsins. Þann 1. desember 2023 tók gildi nýtt skipurit og nú 1. Janúar 2025 tekur til gildi nýtt skipulag fastanefnda Sambandsins. Fastanefnd er fagnefnd Sambandsins í þeim málefnum sem undir nefndina falla og vísar til stjórnar þeim álitamálum sem skera þarf úr um.

Megintilgangur breytinga fastanefnda er að efla samráð við kjörna fulltrúa og sérfræðinga sem starfa hjá sveitarfélögum. Fastanefndir starfi í samræmi við teymi sambandsins og að þannig verði tryggt að allir málaflokkar fái góða umfjöllun. Til að styrkja samráð er stjórnarmaður formaður í hverri nefnd og teymisstjóri starfsmaður nefndarinnar.

Breytingarnar hafa það í för með sér að eldri nefndir eru lagðar niður og skipað í nýjar frá og með 1. janúar 2025. Stjórn Sambandsins vill við það

tækifæri þakka fráfarandi fulltrúum í nefndunum kærlega fyrir sín störf fyrir Sambandið og þeirra verðmæta framlag til sveitarstjórnarstigsins.

Lögð fram tillaga að fulltrúum í menntunar- og velferðarnefnd Sambandsins 2025-2026, dags. 13. desember 2024, ásamt drögum að erindisbréfi nefndarinnar.

Stjórn samþykkir erindisbréf nefndarinnar. Jafnframt samþykktir stjórn tillögu að fulltrúum í nefndina og felur formanni og framkvæmdastjóra að ræða við viðkomandi einstaklingar um setu í nefndinni.

11. Tillaga að fulltrúum í umhverfis- og innviðanefnd Sambandsins og erindisbréf - 2412010SA

Lögð fram tillaga að fulltrúum í umhverfis- og innviðanefnd Sambandsins 2025-2026, dags. 13. desember 2024, ásamt drögum að erindisbréfi nefndarinnar.

Stjórn samþykkir erindisbréf nefndarinnar. Jafnframt samþykktir stjórn tillögu að fulltrúum í nefndina og felur formanni og framkvæmdastjóra að ræða við viðkomandi einstaklingar um setu í nefndinni.

12. Tillaga að fulltrúum í kjaramálanefnd Sambandsins og erindisbréf - 2210010SA

Lögð fram tillaga að fulltrúum í kjaramálanefnd Sambandsins 2025-2026, dags. 13. desember 2024, ásamt drögum að erindisbréfi nefndarinnar.

Stjórn samþykkir erindisbréf nefndarinnar. Jafnframt samþykktir stjórn tillögu að fulltrúum í nefndina og felur formanni og framkvæmdastjóra að ræða við viðkomandi einstaklingar um setu í nefndinni.

13. Tillaga að fulltrúum í stafrænt ráð sveitarfélaga og erindisbréf - 2009664SA

Lögð fram tillaga að fulltrúum í stafrænt ráð sveitarfélaga 2025-2026, dags. 13. desember 2024, ásamt drögum að erindisbréfi ráðsins.

Stjórn samþykkir erindisbréf ráðsins og að tilnefna Frey Antonsson í ráðið. Aðrir fulltrúar í ráðinu eru tilnefndir af landshlutasamtökum sveitarfélaga og haldast óbreyttir.

14. Breyting á fjármálareglum sveitarfélaga - 2408012SA

Lagt fram minnisblað sviðsstjóra þróunarsviðs Sambandsins, dags. 9. desember 2024, vegna umsagnar um breytingu á reglugerð nr. 502/2012 er varðar fjármálareglur sveitarfélaga.

15. Tilnefning í samráðsnefnd um málefni fatlaðs fólks - 2410022SA

Lagt fram til kynningar bréf sambandsins til félags- og vinnumarkaðsráðuneytisins, dags. 14. nóvember 2024, þar sem Gréta Sjöfn Guðmundsdóttir, félagsmálastjóri á fjölskyldusviði Sveitarfélagsins Skagafjarðar og Valgerður Jónsdóttir, sérfræðingur hjá mannréttinda- og lýðræðisskrifstofu Reykjavíkurborgar, eru tilnefndar í samráðsnefnd um málefni fatlaðs fólks 2024-2028.

16. **Tilnefning í starfshóp um sviðsmyndagreiningar um íbúðapörf - 2411004SA**
Lagt fram til kynningar bréf sambandsins til innviðaráðuneytisins, dags. 14. nóvember 2024, þar sem Saga Guðmundsdóttir, aðalhogfræðingur Sambandsins, er tilnefnd í starfshóp um sviðsmyndagreiningar um íbúðapörf.
17. **Tilnefning í fagráð siglingamála - 2410013SA**
Lagt fram til kynningar bréf Sambandsins til innviðaráðuneytisins, dags. 15. nóvember 2024, þar sem Gísli Jóhann Halldórsson, yfirhafnsögumaður hjá Faxaflóahöfnum, er tilnefndur sem aðalmaður í fagráð siglingamála og Dóra Björk Gunnarsdóttir, hafnarstjóri í Vestmannaeyjum, til vara.
18. **Tilnefning varamanns í samráðsnefnd um málefni fatlaðs fólks - 2410022SA**
Lagt fram til kynningar bréf Sambandsins til félags- og vinnumarkaðsráðuneytisins, dags. 25. nóvember 2024, þar sem María Ingbjörg Kristjánsdóttir, sérfræðingur á stjórnsýslusviði Sambandsins, er tilnefnd sem varamaður í samráðsnefnd um málefni fatlaðs fólks.
19. **Umsögn um frumvarp til sóttvarnalaga - 2410011SA**
Lögð fram til kynningar umsögn Sambandsins til velferðarnefndar Alþingis, dags. 9. október 2024, um frumvarp til sóttvarnalaga, 231. mál.
20. **Umsögn um aðgerðaáætlun um gervigreind - 2411017SA**
Lögð fram til kynningar umsögn Sambandsins til háskóla-, iðnaðar- og nýsköpunarráðuneytisins, dags. 21. nóvember 2024, um aðgerðaráætlun um gervigreind 2024-2026, mál nr. S-223/2024.
21. **Umsögn um skýrslu um Kolefnismarkaði - Áskoranir og tækifæri í íslenski samhengi - 2412004SA**
Lögð fram til kynningar umsögn Sambandsins til umhverfis-, orku- og loftslagsráðuneytisins, dags. 4. desember 2024, um skýrslu um Kolefnismarkaði - Áskoranir og tækifæri í íslensku samhengi, mál nr. S-231/2024.

Guðmundur Ari Sigurjónsson tilkynnti að hann væri að sitja sinn seinasta fund þar sem hann er að taka sæti á Alþingi og hætta sem bæjarfulltrúi á Seltjarnarnesi. Þakkaði hann fyrir farsælt og ánægjulegt samstarf seinustu árin. Annað stjórnarfolk þakkaði Guðmundi Ara kærlega fyrir samstarfið.

Í lok fundar óskaði formaður stjórnarfólki og starfsfólki gleðilegrar hátíðar.

Fundi var slitið kl. 13:50